

湯子遺書



湯子遺書卷七 目錄

公移

復養濟院以恤窮民事

餉需日迫功令日嚴諄諭士民速完額賦以

裨國計以安身家事

嚴飭速結詞訟以清積案事

卑員越例煩瀆嚴行戒飭以肅法體事

申飭事

再飭祥刑以重民命事

申飭職業事

湯子遺書卷七 目錄

再行申飭事

叩天俯行權宜以米代麥上濟國需下便民

情事

屯務事

申飭事

酌裁冗員以佐軍需事

教職遠任艱難乞賜酌議申請就近推選以

免曠職事

禁約事

嚴禁加耗以速國課以安民生事



飭修先賢遺蹟以重風教事

嚴禁城門事

公舉殉難烈臣等事

申嚴城守以重封疆事

再行諄飭防守以備不虞事

禁約事

欽奉 上諭事

急救水災以拯殘黎事

築修舊河除民大害事

再行嚴禁邪教以正風俗以遏亂源事

湯子遺書卷七 目錄

二

行查均平里甲事

申飭恪遵恩詔事

申嚴河防以固封守事

再行嚴禁私販茶馬事

嚴飭塘報賊情以便剿捕事

軍民異籍約束難聯預鳴專飭以便協力防

守事

公舉純孝精忠乞祀鄉賢以光大典事

再嚴保甲之法以安民生以靖地方事

褒舉異節乞請旌表以勵風化事

停止詞訟事

驛傳分協應差事

頒發格言戒諭事

申明農政以重本務事

禁約事

嚴催拖欠錢糧以濟軍需事

商洛中軍請募補標兵事

衝關用兵正殷缺額可否募補希賜轉詳以

申便遵守事

衝關差使如織越境長途極苦希詳照界安

湯子遺書卷七日錄

三

塘以專責任以保無虞事

申飭清獄事

經過兵丁不許入城已奉嚴旨申飭諄諭士

民速進城修築房舍以固封守以奠民生

事

嚴禁行使低假銀色事

示諭事

盜賊橫行捕務日弛急圖振勵期觀盜息民

安之効事

祈晴事

諭各行戶知悉事

申明主僕之分以正頽風事

再行嚴禁賭博以杜亂萌事

申飭事

摘催頑戶速完屯糧以濟軍需事

嚴剔衙役抗糧之弊事

乞預嚴飭以便稽查以靖地方事

禁約事

嚴飭茶馬之禁事

申報盜情事

湯子遺書卷七目錄

四

申報病故監犯事

咎徵疊見諄諭寮屬共圖修省實政以回災

變以安民生事

嚴飭審盜宜速不得株連無辜事

興利除弊之大莫若裁併衙所丁田歸之州

縣以足財用以甦民生事

水利關國課民命乞批定奪事

復養濟院以恤窮民事

照得窮民無告王政所先各州縣俱有養濟院該
衛獨廢墜無存豈該衛遂無鰥寡孤獨疲癯殘疾
之人乎爲此仰衛官吏卽查舊日養濟院坐落何
處自何年廢毀今不能修建查有見在空閒寺廟
報道仍令鄉約地方確查關城內外有真正殘廢
無所依靠者造冊申報以憑酌量設處廩穀救濟
不得以游手好閒賭蕩傾家之徒混雜其中以妨
無告速速

湯子遺書卷七

陝西公牘

餉需日迫功令日嚴諄諭士民速完額賦以

裨國計以安身家事

照得國用浩繁兵餉告匱不得不望爾百姓竭力
輸將以濟軍需近見該衛錢糧拖欠獨多百姓恃
刁梗之風踵頑逋之俗名下稅糧竟不完納彼此
相效恬不知悔累及官長席不暇煖被參削職夫
人數千里外逾險涉阻不知受多少艱辛苟得一
官輒因考成拖欠一生功名盡付東流賢者義命
自安固不難爲百姓受過然爾等亦失一慈父母
倘或富貴執中身家念重誰肯甘心代爾受罪終

不免嚴刑敲扑爾等思念及此亦應刷其舊習如
限爭完况今 功令森森已奉文查取頑戶姓名
若別行處分恐爾等雖欲保全身家亦不可復得
本道蒞任一載惟以安民爲心稔歲爲望凡所以
安民祈歲之事不憚筋力爲百姓請命爾等亦當
共鑒此心好義急公上不負 朝廷胥匡之義下
不負本道休養之心合行勸諭爲此示仰該衛軍
民人等知悉凡應納稅糧無論本色折色乘此雨
落穀賤之時及早輸納旣無逋抗之罪又免鞭扑
之辱安家樂業稱爲良民豈不甚善若能倡首先
湯子遺書卷七 陝西公牘

二

限全完十分併無積年拖欠者該衛報名優獎遇
有詞訟干連不犯重罪卽行免罪如有仍前頑梗
任催不應卽行解懲以警刁俗仍將姓名報院究
擬若胥役借端需索斗級高量擅加火耗經承那
移完欠顛倒多寡許百姓赴本道門首擊鼓喊稟
以憑拿究處死不恕

嚴飭速結詞訟以清積案事

照得獄貴不留案美無牘蓋日伸民冤不無覆盆
之民日達下情猶有向隅之泣乃近來怠玩成習
文移詞訟在吏胥沉閣耽延致持票鱷役恣意騷

心甚非 朝廷設官之意本道承乏代篆期與二三守令互相砥礪保此子遺今約法四條各宜實實遵行若以爲常談也而土苴視之本道秉性方嚴畏此簡書斷不敢以五日京兆姑爲曲徇也

一今日民窮財盡正供尙難完納乃有司貪墨成風額賦之外增加火耗以充私橐且任憑總書飛酒詭冒乾沒漁獵甚之里老騙收花戶重納比限不分多寡一體鞭扑豪猾竟不到官專責下戶或死丁荒地逼見在攤包或詭隱田糧致甲中受累嗟嗟小民灰燼之餘助力有幾何堪如此剝削乎

湯子遺書卷七 陝西公牘

三

以後州縣官吏各宜猛省痛改前轍如有犯者官員定行申參蠹役按贓究遣

一准理詞訟原爲分寃理枉是非曲直片言可折自是有司職掌佐貳不得干預久奉明文申飭矣今訪得佐貳官員不守本職私准呈狀阿諛有司逢迎勢豪以快壯爲指揮以夾打爲上策苞苴公行顛倒是非以致柔良負屈貧賤含寃殊干法紀今後敢有仍蹈前轍及印官濫批佐貳代理者本道訪聞一併呈報參處

一差役之設不過奔走傳奉而已邇來有司不遵

經制正差之外濫收副役或催提錢糧或勾攝人犯動輒差人不知此輩得票到手勢如哮虎百計酷嚇不饜不休小民終歲勤動不足供賄賂之資以致正賦愈虧寃抑莫訴真堪痛恨以後州縣或行木皂催徵或令原告拘喚敢有擅差一役下鄉擾民者官役一併申究不貸

一囹圄之設原以羈囚重犯也近來各官草菅人命不知哀矜無論事之大小情之輕重淫涓莫分輒將婦女家屬一槩溷寄監倉久不審結甚至借端索賄充入私囊方纔釋放貧窮之家淹滯獄底湯子遺書卷七 陝西公牘

四

吞聲待斃今後州縣除人命強盜謀逆重罪欽件院件外如係戶婚田土笞杖罪名敢濫監一人及將婦女家屬收監追逼者以酷暴申參

嚴禁左道以端風尚以弭亂源事

伏讀 大清律一欵凡師巫假降邪神書符咒水扶鸞禱聖自號端公太保師婆及妄稱彌勒佛白蓮社明尊教白雲宗等會一應左道亂正之術或隱藏圖像燒香集眾夜聚曉散伴修善事煽惑人民爲首者絞爲從者各杖一百流三千里焯焯律令天下臣民皆所遵守近以平山之事幾致變亂

不得借端科派行戶旗吹等項槩從減約以昭本道思過省愆之意

示諭嚴禁事

一本道素性澹泊凡日用米麵蔬薪俱發現價紋銀照依時值兩平易買並無官價賒取及低假銀色等弊如買辦人役不體本道之意不念窮民之苦稽遲時日虧損價值及以低銀措勒許各行指名喊稟以憑拿究

一本道吏書快皂俱遵經制額設定數並不濫收一人若有藐視法紀或措勒行戶短少價值或駕湯子遺書卷七 陝西公牘

言鑽營希圖詐騙或路遇官長不知迴避或私自下鄉嚇詐愚人或假票假籤而挾持官吏或打網結會而羅織平民如斯等弊或經本道訪出或經被害告發輕則量事責處重則照新例定擬轉報決不令此輩作威作福魚肉百姓

一本道職任方面當攬持大體表正屬員非僅僅五聽三訊爲事今定於初二十六爲放告常期除貪官酷吏豪奸悍兵及真正強盜人命者特設告牌許坐大堂之時抱牌陳告其餘一切細事俱往該管有司辨理若剖斷不明聽於放告日明白控

訴不許一槩瀆擾違者究治

一本道秉性孤直冰雪勵操一言一動皆可與百姓見之若有鄉紳士耆留心民瘼碩畫良謀匡我不逮或直言正色箴規我過本道當齋心掃榻敬聽明教至於封口私書多非公事上號吏役嚴加屏絕近日有借府州縣印信封甬假作公文投遞者封甬內私書與公文自是不同上號吏當細加查審如朦朧暗投當堂拆出私書者除不收書外先責上號吏仍將輕借印信封甬官吏揭參

一緊急公文刻不容緩近日有過期十數日者有一

湯子遺書卷七

陝西公牘

六

污穢損壞者殊爲怠玩今量定期限一日以百里爲率如違限三日及污損等弊上號吏當堂稟明以憑重究至於解審人犯隨到卽投批文不許卧批延捱致各犯久滯歇家如違許各犯喊稟解役重懲上號吏受賄暗投一併責治

一本道上畏簡書下畏民暑夙夜兢兢猶懼不給以貽曠官之咎各屬州縣皆有民社之責今地方多事百姓凋殘荒蕪未墾流亡未歸正我輩惕然省愆之時凡賀節祝誕出巡謝勞一切縟文陋規

槩行禁止違者揭參

於杖下者有不申詳不定案而斃於獄中者有因
追抵贖而濫監家屬者有元宵告訟除夕仍繫之
獄而不爲審結者有任憑佐領妄動酷刑而若罔
聞知者嗚呼有司司民之命假令不得正命而死
民奈爾何祇恐天道有知善惡不爽閻羅一本帳
簿良可畏也至於人命盜情奉批駁覆勘不肯虛
心平反或恐前官怨恨不敢異同或因犯者富豪
不肯開釋或觀望上官之批語以爲從違或描寫
歷來之成案以了已事不知衆官同勘一事原爲
此事虛實同勘一人原爲此人生死豈以求媚人

湯子遺書卷七

陝西公牘

七

求勝人哉如此存心倘有冤抑與故殺等耳書曰
罪疑惟輕又曰與其殺不辜甯失不經夫皋陶爲
士安有疑失然猶過慎如此吾輩萬不及皋陶而
牽合羅織以成人之死其罪將何如哉仁人心苦
智者識精本道識淺而心苦然一年以來疏忽不
少恆默默自訟又有表率屬員之責屬員有不重
民命任性自肆者本道不能辭其罪故諄切勸勉
或牌票或批答或面談真筆欲禿口欲破矣恐各
屬猶有未盡遵依者合再行申諭爲此仰廳官吏
轉行州縣州縣官吏查照牌內事理實心體察自

今以後每逢朔望俱做趙清獻焚香告天之遺意
將半月內行過事實有關係者直書一疏焚之城
隍廟中庶幾明畏 功令陰畏鬼神其有非義干
瀆者不妨以此御之此亦本道躬率寮屬精白一
心互相砥礪之意附頒鄒南臬先生所刻刑戒一
章令善書者置之座右朝夕省觀勿得視爲故事
命 申飭職業事

照得盛德在木農功伊始正布德施惠導迎天和
之時所有應行事宜合行申飭爲此仰州縣官吏
循行郊野勸課農桑其糞多力勤田禾暢遂者酌
湯子遺書卷七 陝西公牘

八

量賞以酒紅以示鼓勵其地之肥瘠相等而懶惰
禾苗不茂者扑戒之田間隙地及道旁皆令樹桑
有能種桑三百株者給扁優獎一切詞訟非人命
盜情暫停勾攝其已拘到人犯卽行審結釋放不
得淹留時刻稚子幼婦不得擅收監倉省囹圄之
冤滯者不得興作土木以妨農務嚴禁宰殺耕牛
申諭地方人等掩骼埋胔勿令民間粘鳥羅雀燒
荒田獵以乖天地之和此皆有司先務各宜恪遵
毋得或惰自曠職守慎之

再行申飭事

照得商雜各縣疊經寇亂一二殘黎皆灰燼之餘
官斯地者當加意拊摩庶幾漸覩甯止不意猶有
罔念民艱任情恣肆擬罪不論當否科罰不論貧
富拘禁至於太易隸卒至於太縱有聾瞽顛連鳩
形鵠面之人而吹毛求疵不稍寬假者獨不思天
理昭彰功令森嚴一旦民怨沸騰川壅而潰白
簡如霜凜凜難貸功名已矣獨不爲身家計乎合
再申飭爲此仰雜南縣官吏照票事理虛心體察
朝而蒞事夕而省愆察閭閻之疾痛視若子弟禁
吏胥之恣睢勿結腹心寬一分則民受一分之賜
湯子遺書卷七

陝西公牘

九

民猶水也水能載舟亦能覆舟可不慎哉如不省
悟本道秉性硜硜不能博包荒之虛名而付民怨
於不聞也文到具遵依報查

叩天俯行權宜以米代麥上濟國需下便民

情事

看得潼關衛屯糧徵收本色夏麥秋米支給兵餉
此舊例也祇緣連歲荒歉今春亢旱彌甚二麥盡
皆枯槁又地枕山帶河市糶不通小民饑餓顛連
之狀真有不堪圖繪者况今餉需日迫考成之法
至嚴至密又兼以新舊併徵急如星火在衛官職

司催科勢不敢專言撫字在屯民分切奉公亦何
敢妄冀寬徵但力有萬萬不能者恐鞭扑徒施終
屬無濟且恐拖欠未能全完而新糧又復拖欠矣
幸賴朝廷恩德化災爲祥秋田頗茂此該衛士
民所以有以米代麥之請也本道行衛確議今據
詳稱十三年曾奉各部院批允以麥代米遵行在
案今援引前例議將十四年新糧勒令遵限完納
不必紛更其十年十一年十二三各年拖欠舊
糧於秋米收成之日照數代徵俟營兵領餉通融
搭散此亦權宜一時之計軍需民情兩有所便似
湯子遺書卷七 陝西公牘

十

屯務事

看得潼關衛應徵屯糧拖欠本色該衛申乞以米
代麥本道業已備詳憲臺蒙允飭行軍民咸沐鴻
恩矣茲復蒙憲票行查該衛應徵屯糧坐落道轄
州縣併今歲應徵夏秋本色時值荒歉果否便民
或輸小麥莞豆艱難應否以粟米雜豆代納本道
捧讀之際仰見憲臺上軫國計下念民生思慮周
詳恩澤渥厚敢不備細詳陳以副德意竊以潼關
地最磽薄軍屯散處各州縣如晨星落落遠者二

百餘里甚則坐落別省遙隔山河聲聞不通緩之則輸納不前急之則民困難堪馳催則無分身之術坐待則有鞭長之慮徵比之法萬難與州縣同日而語也况連歲荒歉旱災頻仍自冬無雪徂夏不雨麥豆枯槁民有并日而食者此皆本道奉文履畝踏勘最真最確若非憲臺爲民請命上天降康此熒熒子遺止有轉死溝壑耳幸蒙憲檄下詢此真屯糧可完民生可甦之一大機會故敢再爲籲請倘邀破格之惠將今歲夏糧比例暫准以米代輸是於百姓筋骨俱盡之日稍存休息之意

湯子遺書卷七

陝西公牘

十一

既有裨於軍需復有便於黎庶誠一舉兩全之道也至於莞豆艱難應否以雜豆代納查得本衛原無產豆之地并未曾徵收莞豆無容議覆據該衛備詳造冊前來相應呈請合候憲示

申飭事

照得歲屆三冬農務旣畢雖萑苻漸靖而固圍防奸不可不慎合行申飭爲此仰州縣衛官吏趁此農隙查城垣之頽壞者緊要橋梁之傾圯者酌量修補務使完整嚴門禁重夜巡謹倉廩固圉圍申諭鄉保訓長操練鄉勇修飭武備巡捕員役盤詰

奸宄較之三時倍加嚴密毋得疎玩以致不虞責
任有歸慎勿套視

酌裁冗員以佐軍需事

據西安府呈看得潼關衛經歷一員設自前代相
沿已久邇來該衛徵收錢糧均徭與夫城守諸務
俱守備千總分任其事而經歷全無職掌委係冗
員再查該衛知事久未選補亦無職任當今兵餉
告匱措辦維艱似此坐糜廩祿莫効尺寸似宜一
併裁汰將俸薪佐充軍需者也其見任經歷虞光
澄照例咨部改選似亦可從今據該府詳議前來
湯子遺書卷七 陝西公牘

相應呈請伏候憲裁

致職遠任艱難乞賜酌議申請就近推選以

免曠職事

據西安府呈看得教職一官奉 旨專用本省人
選授不但人地相習且寒官免跋涉道路之艱措
辦盤費之苦法誠至善獨潼關衛昔屬直隸管轄
故儒學教職悉以外省銓授自我 朝定鼎衛改
屬西安府而教官仍照舊例除授每每遠隔幾省
計程數千餘里寒官望而卻步卽或間關遠來行
橐既空稱貸無門近如教授辛調羹竟飄然長往

不獨寒糴末路付之東流卽泮水芹宮遂成空署
所藉以培養士類何賴焉合無呈請具題以後
潼關衛教職照依本省之例就近銓補庶朝聞命
而夕受事學政士習皆有賴矣

禁約事

照得本道賦性孤介登第以後恪守典常茹蘖飲
冰蒞任以來上畏簡書下畏民瘁親識交遊音問
疎絕星相術士尤素所厭惡此關中士民有耳有
目所共聞見者近訪得有無藉棍徒假借本道相
識在屬邑招搖恣肆變亂黑白目藐三尺而屬縣
湯子遺書卷七 陝西公牘

三

或不察來歷傾身延接致國憲不靈官方不肅
民冤不伸殊爲可恨今功令森嚴民生凋瘵卽

夙興夜寐勤撫字而理紛糾猶懼不給以煩刑書
若疲精耗神以小民之脂膏供刁棍之欺騙恐此
等不法之輩實繁有徒窺官長之易朦遂連鞫而
至能一一結納之乎卽一絲一毫何非出之民間
豈得輕視至此本道肝膽如雪自以爲可視天日
凡察吏課屬惟以職業之修否從不敢以私意爲
喜怒若違道干譽竊所不取合通行曉諭爲此示
仰所屬城市鄉民人等知悉以後凡有假借本道

名色招搖希圖詐騙者卽稟該縣銷拿押解本道以憑盡法懲治該縣亦當體諒本道真心事事如青天白日勿爲魑魅所罔卽此一節足卜他日立朝梗槩若徇底縱容是以本道之言爲不足信便當據實呈究以明己之無私慎之勿忽

嚴禁加耗以速國課以安民生事

照得潼關屯地磽薄又兼今春亢旱二麥不登新糧舊逋一時並徵民力艱苦已極而該衛昏昧罔覺以黠僕爲腹心供蠹役之驅使不畏 功令之森嚴不念民生之凋瘁恣意加耗希圖肥己及輸湯子遺書卷七 陝西公牘

七

納不前復差繹役沿屯催逼需索無厭致 國課愈絀民生愈困殊爲可恨除嚴加責懲外合行曉諭爲此示仰官吏斗級花戶人等知悉自今以後凡上納本色俱要乾淨顆粒斗級執斛花戶執量務期至公至平折色俱要足色紋銀花戶自封投櫃各記姓名於封上拆封時掌印官會同兩千總當堂驗對如果銀不足色及短少絲毫者許提花戶重究添補如敢擅加絲毫火耗者官以悖 旨虐民揭叅吏役立刻處死不恕

飭修先賢遺蹟以重風教事

照得該縣城東三十里有漢關西夫子之墓自兵燹之後饗堂傾圮祭告無所樵牧不禁纍纍七塚狐兔宅之先賢遺蹟廢棄如此亦有司之過也爲此仰華陰縣官吏卽速酌議應作何修整申報本道以憑捐俸發縣共成盛舉庶往哲邱隴不致泯滅且使今日有操凜四知之君子知百世之下猶有聞風而俎豆者將益堅其冰蘖之心而冥冥墮行者亦默生其愧悔之意於以激勸人心風示當世誠非小補勿得意忽慎之速速

嚴禁城門事

湯子遺書卷七

陝西公牘

五

照得城門之禁所以詰奸宄防暴亂最宜謹慎近聞邸報見河南鄆城縣之事祇因門禁不嚴操弓騎馬者手持假票公然入城遂致大變鑒戒炯然豈可不爲警惕况同華一帶或路處衝繁或城郭空虛衝繁則過往必雜空虛則提防宜固誠不可不晝夜凜凜也合行嚴飭爲此仰州縣官吏申諭守門兵役嚴加盤詰凡遇騎馬帶弓箭者非有事本州縣勿得擅令入城宿歇必在關外夜間尤當謹慎切不得輕發鎖鑰致滋不虞甯無事過防不可有事失備慎之慎之

公舉殉難烈臣等事

看得疾風勁草固忠臣所以報朝廷而俎豆馨香尤明王所以礪臣子自皇清定鼎褒崇節義善無微而不彰凡以激勸一代之士氣人心非徒使旣歿之幽魂凜凜生色於九原也據潼關衛闔學生員劉育民等公舉故明監軍道按察司副使喬公遷高潼關衛儒學教授許公嗣復潼關衛指揮使張公爾猷三公者操凜冰雪志扶綱常平日惠民飭戎明倫訓士善政懿矩稱述難盡獨是逆闖猖獗豫省蹂躪長驅西來所至瓦解當斯時湯子遺書卷七

陝西公牘

去

也關門之雄師宵遁大將之前旌披靡而三公自矢孤忠同殉大義魂乘箕尾氣壯河山一代之臣節克全千秋之英風如在真可以比肩顏段並駕南雷矣十餘年來鄉國之俎豆未聞朝廷之褒寵猶缺斯地方有司之過也竊嘗流覽史冊蓋無不贊羨張許守睢陽故事然張許守睢陽以障江淮三公守潼關以障全秦其志同也及救援不至而北面叩闕誓死孤城其節又同也然睢陽之守張許實爲專主故羅雀掘鼠而士無變志潼關之事握符者有人秉麾者有人三公事權不在也然

皆能從容就義視死如歸是非講明孔孟成仁取義之學者而能如是乎至今青衿父老指其殉難之處述其罵賊之詞猶有嗚咽流涕者而謂強勉者能之乎查喬公定襄人許公井陘人並仕於潼張君雖生長於潼然亦世職也合無准並祀名宦似於明倫教忠之典補益非細事關從祀爲貴道專司相應移請爲此合關前去煩爲查照再加確訪裁奪

申嚴城守以重封疆事

照得城池爲有司第一重務官民性命係於斯倉湯子遺書卷七 陝西公牘

七

庫錢糧係於斯况該州縣城垣頽敝房舍空虛居民鮮少若不嚴加防守誠恐萬一姦宄窺伺患生不測深爲可慮爲此仰州縣官吏文到卽責令巡捕官役會同駐防官兵晝夜防範城頭更鼓巡邏時常戒備不得偷安逸玩致滋不虞慎之慎之文到卽具遵依報查

再行諄飭防守以備不虞事

照得華州地方遼濶南山北渭姦宄易於藏匿盜賊易於竊發本道申飭防範嚴督捕緝真舌傲筆秃矣無奈積玩成風如蠶如蠟如曠緝拿杳無一獲失

事屢屢見告縱盜殃民深爲可恨爲此示仰華州
官吏巡捕防兵及各鄉保長地方堡頭人等知悉
當此隆冬除城池照另牌事理遵行外其各鄉堡
寨俱嚴飭堡頭寨頭晝夜防備更鼓巡邏達旦勿
懈如有強盜竊發務要合力救援每堡各置信炮
一座遇警卽放炮一聲各堡聞炮接聯傳炮防兵
星速馳追務獲一家有事闔堡救之一堡有事各
堡救之百姓之心齊則盜賊之勢孤且夜靜傳礮
瞬息達於城內若俟報至然後發兵賊已飽颺而
去矣如抗違不遵一家失事鄰佑不救護堡頭寨
頭不傳信礮者俱以通賊治罪法在必行決不輕
恕該房抄謄二百張通行曉諭勿得違錯

禁約事

湯子遺書卷七

陝西公牘

大

照得禮義人生之大閑儉約居家之至寶今習俗
流弊已極本道下車一載三令五申不啻筆秃舌
敝無奈愚頑之輩勸諭不醒豈無一二老成心知
其非然俗尚已久不能遽變夫風俗紀綱本道之
職也茲再舉兩端頒示禁約如仍不從則有朝
廷之三尺在不敢相寬其勿後悔一鄉社報賽祀
有常典乃里中好事少年藉年例爲名斂錢聚會

遂使父老不敢異高搭棚臺演搬雜劇男女狎侮
街市擁擠不但褻瀆神明耗費財物且盡賭者於
斯飲者於斯甚至劫盜之徒聚謀引類亦於斯而
地方多事率從此生至於元宵盛造花燈烟火尤
爲無益以後除鄉社土穀祖先墳塋遵依典禮齋
戒祭祀外其演戲娛神槩行禁止違者許鄉約保
正糾舉從重懲處收其會錢糴穀備賑一婚喪大
事自有文公家禮可以遵守乃習俗薄惡婚嫁不
尚令德專講財幣已屢經禁飭至於喪事厚死主
於哀戚白衣衾棺槨之外惟有朝夕哭奠上食而
湯子遺書卷七 陝西公牘

七九

已近日有喪之家親友搭臺演戲殯葬綾羅收頭
女婿外甥飲酒權呼浮屠黃冠喧闐雜鬧揭借錢
財專悅耳目既使孝子忘哀作樂自陷十惡之罪
又使盜賊乘機竊發猝致意外之虞如蒲城張生
員家可爲鑒戒今後如不遵禁約仍然用娼優演
戲綾羅收頭飲酒喧闐者許鄉約保正糾舉以不
孝論罪

欽奉 上諭事

上諭諭禮部朕惟治天下必先正人心正人心必
先黜邪術儒釋道三教並垂皆使人爲善去惡反

邪歸正遵王法而免禍患此外乃有左道惑衆如
無爲白蓮聞香等教名色起會結黨夜聚曉散小
者貪圖財利恣爲姦淫大者招納亡命希謀不軌
無知小民被其引誘迷罔顛狂至死不悟歷考往
代覆轍昭然深可痛恨向來屢行禁飭不意餘風
未殄墮其邪術者實繁有徒京師輦轂重地借口
進香張幟鳴鑼男女雜揉喧填衢巷公然肆行無
忌若不立法嚴禁必爲治道大蠹雖倡首奸民罪
皆自取而愚蒙陷網罹辟不無可憫爾部大揭榜
示今後再有踵行邪教仍前聚會燒香斂錢號佛
湯子遺書卷七 陝西公牘

等事在京着五城御史及地方官在外着督撫按
道有司等官設法緝拿窮究奸狀於定例外加等
治罪如或徇縱養亂爾部卽指參處治特諭欽此
欽遵傳諭示仰所屬州縣衛所軍民人等知悉各
宜欽遵 上諭內事理恪行正道謹守法紀爲善
去惡共臻仁壽若以前被人引誘迷罔覺宜蚤
自改悔反邪歸正若堅執不悟仍然踵行邪教聚
會燒香斂錢號佛者許鄉約地方甲長鄰佑合詞
舉首立刻緝拿窮究奸狀比照定例加等治罪若
鄉約人等互相容隱或經本道訪出或被旁人告

發一體連坐決不輕恕每月朔望仍各赴該營官
投遞有無左道甘結用該州縣衛官印信齎道以
憑立案如或徇縱養亂定行申參法在必行慎勿
怠視

嚴飭急救水災以拯殘黎事

照得秦地連歲亢旱麥穀不登災民嗷嗷室如懸
磬今歲兵餉急迫民皆竭盡骨髓以完國課本
道日夜私祝惟望雨暘時若以待麥穫庶殘黎猶
或少甦不期甫下初夏月離畢宿滂沱累旬澗溪
橫流膏田爲沼農夫浩嘆士子悲涕本道實切痾
湯子遺書卷七 陝西公牘

三

稟昨按部行至該州縣被災士庶擁馬首而陳詞
言該州東西羅汝沙河諸水縣華山九峪水口或
流下淤塞或隄岸潰敗山水一時暴漲被淹者數
十餘村芄芑麥豆盡付汪洋本道目擊心慘已面
諭官吏及時督工修濬矣誠恐強梗不法之徒借
端阻撓致衆心惶惑績用不成大爲不便合發示
曉諭爲此示仰華州華陰縣軍民人等知悉各宜
齊心協力相機修理隄堰應築塞者築塞河道應
疏濬者疏濬務要刻期興工勒限報完毋得因循
觀望自貽後悔如有姦宄之輩挾私阻撓奸避夫

役不聽官長約束不顧衆民生死許被災士民卽馳赴本道衙門擊鼓喊稟以憑提拿重究枷示不貸

築修舊河除民大害事

案照先據該州申前事已經批令會集鄉紳士民從公商酌仍移文同州會議妥確詳報去後耽延半載未見如何會議如何舉行值今大雨滂沱河水泛漲淹沒民田不可勝計該州爲民父母甯能漠然處此昨本道經臨該州被災士民遮道泣訴因循之罪應有所歸本應提究經承姑且嚴催爲湯子遺書卷七

陝西公牘

三

此仰州官吏查照作速督工應修築者修築應疏濬者疏濬仍專委佐貳官一員躬親料理務要勒限報完具文申道查考如再仍前延緩定行提究經承不貸

再行嚴禁邪教以正風俗以遏亂源事

照得左道之禁特奉 上諭嚴飭本道遵奉部文已不啻三令五申矣今訪得境內仍有不法奸民踵習邪教煽惑鄉愚自稱經主居士男女促膝淫穢等於禽獸里黨成羣招集真若嘯聚愚民誤墮其術迷罔顛倒至死不悟以此徧境成風牢不可

破而有司因循玩愒不肯以正風俗靖地方爲急
任憑蚩氓無禮無法罔知有廉恥畏憚止每月朦
朧具結遂了奉行之事萬一此輩結連日久一旦
釀成禍亂如平山涓川故轍不知地方官何以自
解乎本道秉憲一方以扶正驅邪爲已任務必設
法擒緝靖其根株永絕亂萌恐該州縣仍襲往套
一味優柔悖 嚴綸而養禍亂殊爲不便爲此仰

州縣官吏文到照牌內事理大書告示遍貼城市
鄉村使曉然知正之爲正邪之爲邪各親其親各
長其長秀者安於詩書樸者安於耕鑿勿得踵習

湯子遺書卷七

陝西公牘

三

無爲白蓮大乘聞香諸教自干憲典如執迷不悟
卽嚴行緝拿申解本道以憑窮究奸狀明正典刑
如該州縣漫無稽察本道另有訪聞或經人告發
定指名揭報參處總之此輩煽惑之術最詭愚民
迷錮日深鄉約地方多其黨類方傾心信服誰肯
輕易舉首若非該州縣設法體訪痛加懲創則邪
教無日可息風俗無日可正變亂無日可止關係
世道人心地方安危實非淺鮮慎之慎之文到具
遵依併發過告示張數及村堡地名每月結狀併
書解散過邪教姓名以憑查考勿得違錯

行查均平里甲事

照得本道三月內按臨該縣鄉紳士民公以均平里甲爲懇已經面飭速行均平去後至今一月曾否舉行此事久奉明諭又兼以民間偏苦已極該縣爲民父母豈容避辭勞怨漠不關心合行查催爲此仰朝邑縣官吏卽將該縣里甲矢公矢慎速行均平務使大小適均苦樂無偏事完造簡明冊報道查考勿得遲違不便

申飭恪遵恩詔事

照得皇仁浩蕩恩詔屢頒天下臣民皆當遵

湯子遺書卷七

陝西公牘

三十四

守近見各屬呈問事件內有應赦免者竟不援引殊非奉行之體各行嚴飭爲此示仰廳州官吏卽轉嚴飭道屬州縣凡奉本道赦前批發過一切詞訟盡數查出除十惡大逆等罪不應援赦者照常審理速行招解以憑轉報外其餘俱限文到日盡行繳銷一槩不許追究其在赦後批發詞狀或事果在赦前者審問旣明卽援赦速具由申報以憑查銷如再故違除提究經承外仍以悞令詔呈參不恕

申嚴河防以固封守事

照得黃河襟帶三秦潼關以北龍門以南在在險要近聞邸報晉中盜賊猖獗勦捕方亟恐不軌之徒乘間渡河蔓延地方爲患非細合行嚴飭防守爲此仰各縣衛官吏照票事理嚴督巡捕官役及大慶關巡檢併移會駐防官兵晝夜隄防凡過往之人及攜帶弓矢馬匹者必須細細根究驗明引票方許過渡若蹤跡稍有可疑卽稟明該縣審究詳確申解本道勿得朦朧疎誤貽害地方大爲不便慎之

再行嚴禁私販茶馬事

湯子遺書卷七

陝西公牘

三

照得茶馬關邊疆重務嚴緝私販不啻三令五申誠恐法久生玩合再嚴飭爲此仰潼關衛巡捕千總侯甸卽督率兵快人等務要晝夜盤查凡關城內外河濱禁溝等處遇馬販茶徒但無部單引票者無論係何衙門差遣係何營兵丁俱卽刻擒拿申報如敢藐視法紀受賄徇縱令匹馬封茶暗渡津關者本道一有訪聞定轉報參拿按律重懲決不輕貸文到具遵依外仍備抄出示遍行曉諭咸使聞知

嚴飭塘報賊情以便勦捕事

照得弭盜安民地方官第一急務近來所屬州縣
率視爲緩圖漠不關心平日防範之法旣疎事後
緝捕之術又怠更且遲延不報三日後簽押照尋
常公文入鋪司投遞五六日方到關門十數日方
達省城者如此玩盜殃民殊爲可異今閱邸報見
宣督盧一本爲汎地被賊一疏奉 旨最爲嚴切
恐各屬仍前怠緩自干重譴故特酌定期限共爲
遵守爲此仰廳州縣官吏查照後開塘報日期如
遇盜賊生發一面照本道屢次申飭事理星速緝
捕一面刻速差精健馬夫飛報本道以憑發兵剿
湯子遺書卷七 陝西公牘

三

後悔

軍民異籍約束難聯預鳴專飭以便協力防
守事

據同州申據此爲照各州縣衛所有壤地犬牙相
錯者應聽附近州縣一體譏察協力防守此本道
下車時於申嚴保甲之法牌中已詳言之矣何潼

民悍然不遵也除據詳批行該州外合行嚴飭爲

此仰廳官吏查照來文內事理一面嚴行潼關衛
申飭各屯軍戶坐落某州縣境內應聽某州縣一
體議察協力協禦仍行各州縣凡衛屯坐落該州
縣境內者勿分州縣衛籍一體約束若敢借口隔
屬規避掣肘不服稽察失事不互相救者卽據實
申報本道以憑拿究懲處如該州縣借口軍屯推
諉漫不查考使奸宄潛跡貽害地方者事發一併
揭報 題參法在必行決不輕貸仍令各具遵依
報道查考

公舉純孝精忠乞祀鄉賢以光大典事

湯子遺書卷七

陝西公牘

三

看得同州前朝鄉宦太僕寺卿管承平道事加都
察院右副都御史張公諱春者性生忠孝身荷綱

常筮仕堂邑弭盜賑饑戴生成者萬戶建節承平
撫軍拒闖頌德威者千家居喪廢蓼莪之篇抗表
繼出師之志問其節槩實自處於孝肅清獻之間
而考其生平復共尊爲常山睢陽之配澤流山左
旣俎豆于豐宮德著關西宜馨香乎梓里

再嚴保甲之法以安民生以靖地方事

照得緝奸詰暴莫善於保甲此法本非難行本道
三令五申口欲破矣呼籲心力已交窮矣乃誨之

諄諄而聽之藐藐本道不知何故也夫盜賊雖甚
狡頑彼能不與人同里而居朝夕相見乎其生理
經營里人甯不聞乎所與交遊面貌里人甯不識
乎縱令孤庄破窰豈無親戚朋友之往來其行藏
能盡塗人之耳目乎或平日飲酒宿娼賭博者遊
手好閒而乍貧乍富者夜去明來潛出潛歸者往
來面生可疑者神色恍惚蹤跡詭祕言語支吾者
所得非其所有而不知所從來者聞盜犯而攜家
以逃者來路不明而潛寄菴觀酒肆者朝傭工於
此而暮竄身於彼者此等之人言動不同狀貌自
湯子遺書卷七

陝西公牘

三

別蓋誰爲盜誰不爲盜里人辨若黑白日躡足附
耳談之矣可恨者有司不嚴保甲耳惟有司不嚴
保甲而盜賊敢公行惟有司不嚴保甲而盜賊有
淵藪惟有司不嚴保甲而被劫無聲援惟有司不
嚴保甲而真盜不敢舉及至劫掠屢聞捕官視爲
故常防兵忙若不知上臺督責日嚴始專靠快壯
取無贓無証影響疑似之人嚴刑以定招案深文
以成大辟殺無辜之人爲應捕免比較爲經承了
前件冥冥之中卷案不爽能不爲之寒心乎言念
及此怠荒之吏真難容於堯舜之世矣爲此仰州

縣官吏查照本道節次申飭事理逐一恪遵驅淫賭之徒逐流來之戶慎保長之選練鄉甲之兵重捕獲之賞寬首盜之令緝窩盜之主密僻遠之防嚴盤詰之法責救護之疎申傳警之令明夜巡之約實實舉行勿事虛文自今以後本道專以保甲之舉否定有司之殿最地方甯謐者特揭請薦地方失事者立刻揭參山西翼城降縣革職拿解來京者皆州縣官也勿曰緝盜安民無關職掌自誤功名身家慎之慎之

褒舉異節乞請旌表以勵風化事

湯子遺書卷七

陝西公牘

完

據該縣申已故監生党廷彥妻張氏截髮茹荼丸熊訓子簾遠冰清始終無替亟請旌表緣由到道除批行西安府確查具結以憑轉報外合先給扁優獎爲此仰縣官吏卽置木扁一面務要堅濶精緻上書節比松筠四字用顏柳字體前列本道銜名迎送本婦門首懸掛事完開價報道發補勿誤

停止詞訟事

照得恩詔宏頒普天同慶凡有小過咸與維新一切詞訟合暫停止爲此示仰軍民人等知悉各

宜仰體 皇慈解忿息爭况今時令在木農功伊始本道方飭令州縣循行郊野勸課農桑分別勤惰薄示賞罰爾等皆當盡力耕耨廣植桑麻速完國課以供軍需勿得紛紛瀆擾自干詔令也

驛傳分協應差事

看得驛傳道議定四屬分協應差原因舊例但昔日錢糧俱在四屬而今錢糧已歸華陰本道前詳已言之矣今事既責之四屬則站銀似應撥回庶免往返支領之勞但關門枕山帶河地土鮮少卽豐稔之年草豆價值常倍他邑四州縣既有額設

湯子遺書卷七

陝西公牘

三

站銀或酌量多寡買備草豆赴關供給仍令驛官司其喂養該廳司其稽察職掌各自分明里民有何干涉廉養棟等之控未免畏累心迫而不知此責在官非以累民驛傳道詳中已言之彰彰也查此事原因今歲荒歉馬斃夫逃故奉憲批查議但不知倒斃馬匹曾否開報應作何買補自今以後站銀不交付驛官而四州縣額設錢糧多寡不等買補之法如何均平無弊緣驛遞爲驛傳道專司從來上傳部行有關郵政者及衝僻等冊錢糧股項本道俱無案可查不便懸空妄議仍祈憲臺批

行驛傳道再細細確查詳議明白申飭該廳州縣使遵奉畫一之法庶不至推諉誤事而殘驛永甦矣

頒發格言戒諭事

蒙撫治鄖陽軍門頒發功過格禁殺牛犬戒諭到道除卽轉發商洛州縣遵依外合廣行頒發爲此仰州縣官吏查照發去功過格刑戒恭置座隅朝夕省覽日中所行事或功或過纖悉必記勿以善小而不爲勿以惡小而爲之則催科聽訟皆可坐證菩提禁殺牛犬戒諭遍貼通衢今農務方興宰殺耕牛尤當嚴禁嗚呼牛犬猶不宜殺况爲民父母者不論真僞不分老幼不擇婦女一槩箠楚監禁冤苦無所告訴經月不得甯家致農桑盡廢性命殉之其罪更當何如慎之慎之勿負上臺告誡之意本道諄諄丁寧之心

申明農政以重本務事

照得本道欽奉 勅諭有勸課墾種之責必令里無遊民野無曠土方不負委任之意今當春和農工伊始恐各屬勸相不力令惰農之民待命於天而負天時責成於地而餘地力稼穡不興草萊如

故本道亦有曠官之懼爲此示仰州縣官吏卽曉諭境內軍民人等趁時耕種開墾荒土者三年後方准起科仍照後款內事宜實圖舉行勿以虛文塞責本道將以農政之修否爲有司之殿最各宜恪遵勿隳乃職

一守令專司牧民宜倣古省耕之法不時巡行郊野躬親勸課其糞多力勤田禾暢茂者酌量賞以酒紅荒穢不治者扑戒之仍多方勸戒務令鼓舞興作曾孫嘗旨田峻教鑄古人未嘗以爲勞也

一倣會典開載勸督農桑之法鄉約點查有懶惰

湯子遺書卷七

陝西公牘

三

不起者記過遇印官巡行到時稟報定奪但不許借端生事以滋騷擾

一田中有木古人所禁除膏腴之田不可種樹惟於界畔栽植外至於薄地鹵地不生五穀然土各有所宜利在人興沙薄者一尺之下常溼斥鹵者一尺之下不鹹可掘尺五拽栽榆柳以備材用水澤可種蒲葦芡荷可畜鴨鵝山地可種柿棗梨栗要令地無不興之利里無不勤之民自然比戶充盈矣

一民不植桑何以飼蠶莊園場圃牆下道傍俱宜

廣種桑樹有種桑百株以上者酌量優賞二百株
以上者報道獎勵仍出示責令所屬軍民五月半
畦桑椹六月半壓桑條先期諭以親查正當栽種
時印官不時帶二三人下鄉掣驗果否全活不奉
令者責

一野蔬木實皆可救荒如榆柳可食之物藜藿可
食之菜豐年正宜多積古人以百畝之家蔬果取
足於市者里正報罰宋周沔爲郡課蓄乾菜所積
數萬復遇凶歲民不流亡近代同州一前輩爲令
時亦行此有效可做其意而行之

湯子遺書卷七

陝西公牘

三

一聖賢言政必及雞豚狗彘之畜近日民間皆知
生息但防閑不慎致傷田禾鄰里深以爲害今後
生畜聽民多養除偶然走失一次情有可恕但有
縱放六畜傷人苗稼者除照律追賠外仍重責枷
號

一三時之務一日千金故古人興作必於農隙且
家不過一人役不過三日誠重之也今當耕耘之
時凡不急土木一切報罷詞訟槩從停減卽有勾
攝隨到隨結不得淹留監禁致廢農業上司過往
亦不許催促鄉兵道傍迎送至於民間釀飲賭博

斂錢結會打醮進香實召亂耗財之一大蠹尤當嚴禁游食僧道娼優劇戲皆三代之世所無俱當驅逐總期人民樂業自然禮讓興行獄訟衰息盜賊甯謐故曰民事不可緩也慎勿謂小人之事無關治體可耳

禁約事

照得五嶽四瀆神位尊崇原非庶民所得瀆奉華山爲雍州之望每年會期進香之人傾動數省男女雜糅旌旛蔽空鳴鑼號佛聲徹遠邇甚至昏夜攀巖搦嶺爭競恐後一有失足殞岵墮澗者累累湯子遺書卷七

陝西公牘

言

皆是褻神明而輕軀命莫此爲甚今地方多事且恐奸宄潛雜其中釀生事端貽害地方所關非細况結會進香奉

上諭嚴飭法令森嚴豈得借口

往例不爲禁止爲此示仰各屬軍民人等知悉但

當保存天理恪守王法神目孔明自蒙鑒佑不必

涉險履危紛紛褻瀆如以爲雨暘所報義不可止

卽赴該管州縣討印信路引至華陰縣掛號方准

前來亦但許在廟內叩頭遠者莎蘿坪而止併不

許鳴鑼張旛震驚閭里至於婦女無論老幼槩不

准擅給路引如有來歷不明該縣查審明確申報

以憑重處勿得輕縱

嚴催拖欠錢糧以濟軍需事

照得錢糧關軍國急需刻難容緩該衛錢糧拖欠最多嚴檄催督抗玩如故念今兵餉孔亟匱乏日甚之時朝廷猶軫念黎民八九兩年拖欠在民者奉 詔蠲免矣近十一年兩年又奉 詔豁免矣 朝廷子惠烝黎恩德浩蕩至於如此凡我臣民豈可自甘頑梗仰負 天恩前兩年災旱頗仍麥穀未穫非敢自忘國課實由力不能給本道具悉百姓苦衷今歲土頰 朝廷福澤二麥豐登若再以抗玩爲得計是爾百姓自昧於踐土食毛之義本道秉持三尺便當痛繩以法決不敢稍從寬假自墮職業爲此仰衛官吏照依牌內事理多寫告示張掛通衢仍遍諭各屯人等於二麥收穫之後各照名下應納本圻錢糧盡數赴衛上納如堅抗不完及拖欠最多者卽指名申報本道以憑重處仍解院嚴懲該衛亦當思催督兵餉第一要務慎勿怠玩自取罪戾

商洛中軍請募補標兵事

看得商洛萬山叢錯壤連楚豫昔年杆賊爲虐殘

毀最甚彌望蒿萊人烟稀少防守偵探時時難容
疏忽兼以密邇竹溪房縣正值義王歸順郝逆驚
惶靡定有北逃華山之信則商洛一帶尤爲目前
第一要地且其地西通興漢入川逃兵恐潛匿於
叢嶺疊嶂之中搜捕良非容易此萬難與不要緊
地方同日而論也况額設兵原止三百又皆步兵
併無一馬此卽足額猶慮不足應用而自奉部文
以後裁汰者未敢擅補若不亟請憲示速爲召募
恐營伍愈見單弱甚非所以固疆圉而弭變亂也
既經中軍官呈詳前來相應呈請伏祈憲臺俯念
湯子遺書卷七

陝西公牘

三

殘疆用兵正殷營伍單弱可慮將缺額准令募補
以後營中再有老弱疾病不堪捍禦者不時裁汰
更換務令兵皆精強庶巖疆有賴而於核兵節餉
之意兩得之矣

衝關用兵正殷缺額可否募補希賜轉詳以

便遵守事

據潼關營參將劉手本爲照各營缺額兵馬前奉
部院明文非係邊疆要地者暫停添補遵行在案
但查潼關一營處三秦門戶路通數省無論地勢
險要控制晉豫兵力單弱無以壯金湯而弭姦暴

且各省協餉必由關門差使絡繹往來護送日無甯晷非僻緩者可同例而論也查該營經制額兵數止一千除先奉文抽調各處駐防及新奉調貼防并要地安塘以及缺額未補者存關之兵止四百有奇耳不惟戰守單弱巖疆可慮恐遇緊要差遣亦難分身四應况前奉部文原查係不緊要地方者暫停添補非一槩不准添補也特未經請明憲示故凡裁汰兵丁俱未敢擅補今准該營移請前來相應呈請伏乞部院俯念衝關重地留兵無幾或將缺額兵丁准令該營陸續募補以資戰守

湯子遺書卷七

陝西公牘

三

其後營中如有老幼疾病者不時嚴加裁革卽另選精健者充補必使一兵足一兵之用庶巖疆有賴而於廟堂核兵節餉之意亦無負矣緣係兵馬地方事宜統候憲裁

本衝關差使如織越境長途極苦希詳照界安

塘以專責任以保無虞事

據潼關營手本看得潼關額設兵馬一千前改撥神道嶺營二百又分汛華州青岡坪二百澄城縣五十今歲又調防川兵七十見在關者止四百八十名耳除步兵外馬兵止一百二十六名可謂寡

矣而地處川陝門戶輪駟交錯頒賚 詔勅者護
送餉鞘者搬移滿洲家口者起解逃人者種種絡
繹不絕每次用兵多者百餘名少者數十名西抵
渭南北送蒲州未有休息之時獨是東往河南一
路直達洛陽往返千餘里動須十餘日而十餘日
之內緊要差使又不知凡幾矣一差方發一差又
至年來草豆騰湧馬皆枵腹奔馳倒斃相望於路
言之實堪憫惻且張茅峽石一帶號稱險阻人烟
寥落 詔勅以及逃人等事俱關係重大越境五
百里而代人應役倘有疏虞誰任其咎此該營之
湯子遺書卷七 陝西公牘

三

所以不禁大聲呼籲也合無祈請憲臺憫念衝關
兵寡差繁移咨豫中各部院檄行河南守道分撥
營兵駐防於陝西靈寶之間接替一應公差庶免
越境遠涉且各有專責而重務不致貽誤矣不特
此也設兵原爲固圉靖亂非專爲護送差使計也
今寥寥馬兵終日往來豫境竟無駐關之時萬一
關內偶有草竊刻須發遣而兵方奔走於伊洛崤
澗之間是地方養兵而不得兵之用豈設兵之本
意乎本道遵奉憲檄申明紀律加意操練務求兵
精馬壯以固金湯而目擊該營情形如此故不敢

不冒昧申請而仰冀憲恩也既經該營移會前來相應呈請伏候憲裁

申飭清獄事

照得時方盛暑溼熱煩蒸囹圄之中慘苦倍甚念此一切囚犯有情可矜疑駁批覆讞者有黨羽實繁差拘待詢者有波累株連疑信相半遽難輕釋者有異鄉盜夥遠核虛實者寄命圜扉呻吟痛楚殊爲可念本道政刑之不修不能使草長羅張冀望其明寃緩死爲此仰廳官吏轉飭所屬州衛州縣官吏照牌內事理卽便親詣各監查現在重犯

湯子遺書卷七

陝西公牘

三

實有若干名每日口糧若干足延喘息否夜卧有無薦板牆壁有無修築污穢有無滌除禁卒有無凌虐疾病有無醫療輕犯有無濫禁贖緩有無監追事在赦前應寬釋者有無淹滯不爲申請有無濫囚婦女佐貳官有無擅監人犯一一查明據實逐款回報仍嚴飭獄中禁子多燃蒼米貯凉水以防瘟疫傳染如漫不加意視人命如草菅本道體訪得出或被入告發定轉報各院靜聽裁奪恐不能自邀寬典也慎之速速

不冒經過兵丁不許入城已奉嚴旨申飭諄諭士

民速進城修築房舍以固封守以奠民生

事

照得潼關城內昔年棟宇連雲自兵燹以後廬舍
灰燼兼以大兵經臨進城歇宿供應煩難肆行無
忌因此士民心懷疑懼以堡寨爲安城內房屋任
其傾圮一望之中惟見頽垣破壁而已向因盜賊
失事多係遠鄉村堡已屢諭修築城舍近閱邸報
見兵部覆京畿道一本內議以後各該將領統兵
防剿經過府州縣衛城俱在城外駐宿糧草運出
城外支領如有貿易事故須稟明本將移會地方

湯子遺書卷七

陝西公牘

罕

官量遣數人入城公平購買隨完隨出如有違禁
借端擾民者該府州縣衛官申報督撫按題參重
處府州縣衛官容隱不報者一併參處仍刊刻木
榜通行曉諭永著爲令奉 旨依議通行申飭欽
遵煌煌 明綸誰敢不遵凡我百姓豈可遺棄城
業自甘荒郊爲此示仰潼關士民人等知悉凡城
內空房皆爾祖宗辛苦構造以遺爾子若孫使有
所託足安忍終棄况城內居住可以衛 朝廷之
封守可以免盜賊之窺伺可永無兵丁之騷擾如
堅持成見自甘廢毀甚之拆取椽瓦以資販賣者

印官申報本道以憑重處若日後兵丁不遵法紀
進城騷擾本道定力請參決不相負

嚴禁行使低假銀色事

照得造做假銀屢奉嚴禁不意奸徒恬不知畏關
中連年荒歉窮民病於穀貴今歲麥禾稍登農民
又病於穀賤小民終歲勤動因 國課急迫負戴
升合入市求售又值神奸將低假銀兩巧爲誘騙
愚夫愚婦驟墮其術號天震地計無復之興言及
此良堪痛恨至於低下銀色雖不若偽造者全無
可用然行使艱難虧折不少凡此刻薄錢虜希圖
湯子遺書卷七 陝西公牘

單

自己便宜不顧窮民生死天理王法皆難輕貸合
再行嚴禁爲此示仰所屬軍民人等知悉以後市
肆交易俱用紋銀制錢敢有仍前做造低假銀色
及知情行使者聽被害人指名許告或牙行據實
舉首定盡法懲處如牙行通同阿隱事發一體連
坐今低下銀色處處有之至於朝邑之趙渡鎮韓
城之芝川鎮蒲城之興市鎮等處尤爲神奸造作
假銀之數該管官仍當加意禁飭訪確連人拿解
本道以憑重究勿得姑息縱容貽害良民自干罪

辰

照得賭博爲盜賊之源新奉 聖旨嚴定條例賭博正犯杖一百徒三年開立賭場之人杖一百流三千里如兩鄰人等知而不舉者責四十板煌煌新例遵行在案爲此仰營標中軍及該衛印捕官卽傳示兵民人等共爲遵守如有開場賭博者兩鄰速行舉首免罪仍重賞示勸開場賭博之人照新例處分如通同容隱被官拿獲開場賭博及兩鄰人等一併照例嚴懲若中軍印捕等官不行嚴拿被人告發係兵罪在中軍係民罪在印捕中軍

湯子遺書卷七

陝西公牘

三

印捕官仍每月各具兵民有無賭博甘結投道查考俱勿違錯

盜賊橫行捕務日弛急圖振勵期觀盜息民安之効事

照得嚴保甲防盜賊爲地方官第一急務本道蒞在兩載申飭不啻數十餘次近日各屬強竊屢見緝捕無聞本道大聲疾呼終然如聾如瞶兵快專司捕盜今且通夥分贓透信賄放而妄拿平人肆行嚇詐本道不知咎將誰歸也合行嚴飭爲此仰州縣官吏查照文內事理卽加意嚴保甲誥奸宄

沿鄉各堡寨責令堡長寨頭晝夜隄防更鼓巡鑼
達旦勿懈集鎮四頭各立柵欄地方司其啓閉勿
令客商攜資夜行致冒不測總要無事互相稽察
有事互相救護照本道節次牌票申飭事款一一
遵行仍挑選膽勇捕快人等各備器械時常操演
不時在於四境荒僻地方巡邏哨探或扮作諸色
人等分頭譏察訪緝務得真正窩家蹤跡但不得
鋪張聲色借端騷擾如遇有竊發聲息卽電追馳
馳必期當下擒獲勿使各盜出境遠遁如敢隱匿
欺飾養癰貽患及縱容捕快誣良民而放真盜法
湯子遺書卷七

陝西公牘

聖

紀俱在本道決不徇庇以自湯督責之任慎之

祈晴事

邇來秋雨連綿谿流暴漲禾黍不得登場麥田難
以播種哀哀我民何堪如此災厲也今本道閉閣
思過冀消變異仍於次日黎明赴城隍廟祈晴官
吏師生人等至期隨班行禮勿得有誤

諭各行戶知悉事

照得本道蒞任以來日用蔬菜及布疋等物俱發
市價紋銀當堂給散爾行戶所共知者但恐本道
公出不能當堂給散買辦仍用行使銀色及扣除

短少致焚焚行戶虧折資本敢怒而不敢言者有之今已革除行戶及買辦名色俱先發紋銀著健役輪班平買敢有執持行使低銀口稱本道買辦者卽跪門喊稟以憑盡法懲處不貸

申明主僕之分以正頽風事

竊照大清律內凡奴婢告家長者與子卑幼罪同杖一百徒三年但誣告者絞凡奴婢毆家長者皆斬殺家長者皆凌遲處死過失殺者絞傷者杖一百流三千里主僕之分其嚴如此秦地自變亂以後法紀陵夷豪奴悍婢訟主毆主者累累見告甚湯子遺書卷七

陝西公牘

器

至投充兵丁招引無藉兇棍肆行索詐騙主之財毆打鎖綁目無天日聞之令人髮豎俱依律究治外合再出示曉諭爲此示仰州縣衛紳衿士民家僕知悉以後當念家長名分最尊但告卽不誣亦當徒杖但毆卽無傷亦當大辟法令森嚴稟稟遵奉勿得故違如有犯者本道秉持國憲不能稍從寬典其無後悔

再行嚴禁賭博以杜亂萌事

照得賭博者破家之根本盜賊之源藪屢經嚴禁不啻三令五申奸民竟不遵依不土不農不工不

積弊煌煌天語真明見萬里凡屬臣民誰敢不
凜凜遵奉乃近見有等藐視綸音驅迫郵傳暴
戾恣睢橫索金錢生立種種名色馬匹之外仍爲
折乾稍一不遂鞭箠繼之不分官民一例辱詈必
欲滿其豁壑殊不知驛站錢糧皆朝廷額課黎
民膏血當喪亂之餘小民筋力有幾而堪此層層
剋剝乎况潼關輪蹄交錯奔走供應日無甯晷若
人人滿其所欲勢必馬盡斃於道路夫盡死於鞭
箠民間典妻鬻子不足供應爲害可勝言哉本道
昔備員史館出入清禁奉命之時親承天

鴻湯子遺書卷七

陝西公牘

聖

語責以飭法惠民興利除弊故不敢愛惜情面避
辭怨嫌若目覩地方困苦容隱不言不但上負
君恩抑且自失本心爲此示仰州縣衛所驛遞人
等知悉以後兵馬差官過往卽當委曲開陳以地
方荒殘差使絡繹錢糧匱乏應付浩繁公私疲困
民不聊生凡具愷悌之心未有不惻然動念者矣
如或堅忍不聽便告之以上諭嚴切申飭再三
我輩恪守法紀不敢悖違彼等豈敢與功
令抗乎如果目無王章卽登記名姓報道以憑

申詳題參慎毋恣緘默徒累殘黎辛苦墊隘

無所控籲也

祈禱雨澤事

照得潼關地衝民貧中人之家多鮮蓋藏負販之
子朝不謀夕今歲春夏不雨民已艱食入秋以來
少華以西洽水以北甘霖時需而關門方域百十
餘里亢旱彌甚麥難播種來春曷望此本道奉職
無狀以累我烝民也夫天道不滅乃不罰罷吏而
移之歲無歲無民民則何罪除本道側躬省過仍
當停止屠沽惕天之變分民之憂庶幾甘雨早
降不至薦於饑荒

湯子遺書卷七

陝西公牘

哭

酌通水利以圖永賴事

照得畝畝之間必有溝澮隨時蓄洩以備旱澇留
心民瘼者所當講求水利爲一方資灌溉也今該
州縣鄉民以爭水致訟者纍纍有徒其中是非曲
直自有公斷然必躬歷其地相其泉源度其地勢
平心商酌務求兩便無礙方可永息爭端又聞該
州縣境內廢渠尚多昔日皆清流涓涓南畝賴以
霑足今湮塞已久安能挹彼注茲以備旱澇爲此
仰州縣會集父老子弟細細籌畫量物力而合人
心酌爲濬闢愚民難與慮始可與樂成務須至公

是良善之民不免催科之擾而頑猾之戶得遂刁
奸之計也合行出示曉諭爲此仰闔衛軍民人等
知悉今麥穀豐登開徵已久除已前完糧累年不
欠者准照常徵收外其十一年以前積欠幸邀
恩詔蠲免而十二年以後錢糧仍未完納者俱勒
限於本月二十日必要照數通完如仍前堅抗不
遵卽著該衛差役拿解本道以憑重懲仍指名報
院嚴處不貸

嚴剔衙役抗糧之弊事

照得屯糧關係軍需嚴檄催督拖欠如故良由勢

湯工遺書卷七

陝西公牘

望

豪積蠹視國法屯老不敢追呼糧頭不敢開報
以致官受參罰吏受責比深可痛恨但該衛爲本
道駐劄之地官快人等多係該衛屯民雖本道三
令五申不許怠緩率國課恐其中有奸頑之徒以
戒諭爲故事仍然抗違稽遲該衛曲爲掩護不肯
指名申報本道何由嚴懲今欲釐剔頑戶之弊當
先自本道衙門爲始合行禁飭爲此仰衛官吏查
照票內事理卽將本道現在書吏官快各色人等
逐名嚴查其名下錢糧有無拖欠備細造冊限日
內報道以憑查核如該衛代爲容隱朦瀝不肯從

實查報本道設法訪出定治該衛以徇隱之罪愆
之速速

乞預嚴飭以便稽查以靖地方事

據華陰縣申稱華邑東有岳廟南有華山等情據
此合行嚴飭爲此仰廳官吏查照該縣申詳事理
卽便轉飭潼商所屬州縣張示鄉村鎮堡如有朝
謁華山者各赴該管州縣討發路引方許前來仍
飭該縣嚴爲稽察不得縱容奸宄致生事端如無
引票卽係來歷不明便當法究毋得輕恕

禁約事

湯子遺書卷七

陝西公牘

哭

照得委官名色本道屢經禁飭今訪得有管鳴珂
爲該衛拘喚伺候過往上司尙得擅稱衛委官公
然列之門牌登之簿籍招搖鄉里殊可詫異除已
薄懲仍嚴令該衛改正外合通行曉諭爲此示仰
軍民人等知悉自示之後敢有擅稱委官招搖鄉
里者卽扭稟本道以憑重究決不輕貸

嚴飭茶馬之禁事

照得茶馬關邊疆重務屢奉院檄嚴飭如雷如霆
而所司官役竟若罔聞一味徇縱成何法紀合行
嚴飭爲此仰廳官吏文到卽便嚴飭所屬州縣衛

官吏嚴責巡捕員役在於該管境內扼要處所時
加巡緝仍大張告示嚴行禁飭如有馬販茶徒私
入境內卽便擒拿申報至於過關馬匹非奉院號
不論係何衙門俱要大破情面細細盤查報院候
奪如敢仍前疏玩狗縱卽申報本道以憑轉報
題參茶馬事務該廳尤有專責當令禁令森嚴之
時尤當力爲振刷痛除積弊以盡職掌勿得稍爲
包容自蹈徇縱之咎文到各先具遵依報查勿違
申報盜情事

照得劉疇家失盜一事已屢嚴行該縣勒限緝捕

湯子遺書卷七

陝西公牘

四九

矣但盜賊關係重大督捕之法不得不嚴躡拿之
法不容不密審訊不可不細起賊不可不確蓋不
嚴不密則真犯免脫矣不細不確則無辜維罹矣
盜所扳固多非良民然以宿仇扳誣亦累累皆是
今之有司弭盜無術緝盜無法玉石不分影響是
執致無辜含冤元兇漏網屢蒙嚴旨申飭豈可
慢不加慎致干功令合行再飭爲此仰朝邑縣
官吏照票事理嚴督巡捕員役密密躡拿務要最
真最確不得捕風捉影驚擾閭里緝獲盜賊詳審

口供刻速起贓具招定案不得逼令妄肆扳引至於失主贓物仍傳劉疇到堂細細開列如金環金簪等物是何模樣輕重若干杭羅綾紬等物是何花樣有無記號諸如此類俱要備細抄來存案卽彼自己不能記真許回家向經收婦女問明庶後日失主認贓時問官亦可心信仍姑寬限二十日緝獲究招解道如有違錯定行揭報 題參慎之

申報病故監犯事

據朝邑縣申報監犯苟得有病故等情看得該縣劉生員家失盜一案已嚴行該縣緝拿夥賊爲該

湯子遺書卷七

陝西公牘

五

縣印捕者當思弭盜安民地方官本等職業旣平日疎防使奸宄肆志良民因劫殺而死自當晝夜靡甯設法擒獲真賊真贓以正法典以贖罪愆乃半月有餘杳無一獲而無辜被繫者累累有徒夾糝盈庭囹圄幾滿苟得有亦未起獲真贓不數日而監斃獄底今 功令森嚴非叛逆及真命真盜不許擅用夾糝亦不許立斃杖下審盜宜速不許久稽時日不許株連無辜久奉部文申飭在案該縣竟視爲故紙耶擬合行查爲此仰朝邑縣官吏文到卽查苟得有是 否真賊有何的據或係炎天

夾梭立斃或係禁卒凌虐致死或係正犯贓買故
殺滅口從實查明回報凡獄中無賊無證株連蔓
引之人及續獲賊犯俱卽刻申解本道以憑面問
蹤跡仍嚴責巡捕官役設法密緝眞賊毋得以地
方失事爲奇貨借端騷擾令閭閻驚憂眞犯賄縱
三尺凜凜本道不能稍假情面也慎之慎之田人

咎徵疊見諄諭寮屬共圖修省實政以回災

變以安民生事

照得秦中連年荒歉五穀不升嗷嗷窮民室如懸
磬今歲仰賴天休二麥稍登方幸吾民有更生

湯子遺書卷七

陝西公牘

辛二

之望不期入秋以來霖雨累旬水雹疊告城郭傾
圯廬舍漂沒哀哀蒼赤或畢命於巖牆或殞身於
波濤靡室靡家飄搖風雨今秋云暮矣雲霧千山
沸騰萬壑秋禾不得登場二麥難以播種農夫束
耜而隅泣士子廢卷而坐嘆夫災不虛生決由人
事此皆吾徒奉職無狀民氣愁苦蒸爲恆雨而恆
雨之殃還屬民受元元何辜罹茲慘極王嘉有言
動民以行不以言應天以實不以文旣不能崇德
博施承順天道於未有謹告之先今災祲著見猶
不能恐懼修省以回神祇之怒則下民何賴焉爲

此示仰道屬州縣衛官吏各痛自修省或催科無術奸胥盈橐而良民賠累或刑罰不中豪強恣橫而愚懦含冤或讞盜不察而雉兔同其孳羅或防兵無律而荆棘生於市井或暮夜之苞苴未除或囹圄之淹滯未釋或虎吏飛而食於鄉鄴或鰥族坐而啖其比閭或贖鍰無力而強追或鰥寡死亡而莫救但使冤含匹婦便可霜霰六月俱要從頭檢點加意諮詢如大患在身奮然立去勿牽制于左右之口至於本道申飭牌票有不當者徑行繳銷允過罪贖有無力者徑行寬免勿拘常格以重湯子遺書卷七

陝西公牘

五

興本道之過如能相體諄切至意有所省察有所興革下蘇民困上回天心定據實轉報以爲計實政決不負良吏苦心也

嚴飭審盜宜速不得株連無辜事

示諭仰各州縣衛所軍民人等知悉以後凡地方拿獲盜賊該印官立刻審追原贓具詳結案不許久羈時日誣害良善及借端苛索酷刑勒供更不許緝捕員役私下拷嚇妄拿平民株連無辜如有前項等弊或經本道訪出或經被害告發定立刻轉報參處不止去職革役而已

本興利除弊之大莫若裁併衛所丁田歸之州縣以足財用以甦民生事

據西安府呈詳看得潼關一衛設有專城界連晉豫爲三省之咽喉實全秦之門戶且屯田分隸兩省地方最爲遼闊又路處首衝過往兵馬輪蹄交錯芻糗車牛供應繁苦况昔年設衛建學文教武備以屏捍川陝而左右州縣皆相去遙遠未敢遽議歸併似當仍舊爲便也

水利關國課民命乞批定奪事

看得華陰東南峪口有水一渠源發於楊村環繞

湯子遺書卷七

陝西公牘

五

而下經薛家河金盆屯達於寺南以入於渭前朝萬歷年間曾爭水相訟知縣王九疇斷明水歸寺南原碑猶在也今歲六月大旱王欽任應殿等爭水澆灌互告紛紛本道批行驪縣兩經斷明仍因舊案蓋以寺南雖去水遙遠而地勢平行阡陌相連順流灌溉爲力最便因水科糧輸賦獨重蜿蜒細流不得不歸之寺南者勢也楊村等處雖係泉發之地然夾澗而耘鑿石開畝多在山坡岡嶺之際必須旁殺以費人力灌溉匪易故從前水利不歸亦勢也是從前之案非奪彼而益此實因勢而

導利而任應殿等嘵嘵控籲不已始而嚴行叱拒
旣而數村士庶合詞哀籲言寺南土沃猶得用水
楊村地最薄瘠亦有金銀糧獨無涓滴之潤本道
以水利關國課民命不敢執持成見嚴駁該縣對
冊履畝逐段丈量據稱該縣親詣諸村同居民踏
勘得楊村薛家河共有金地一十八畝一分三釐
六毫四絲銀地四十六畝一分八釐又金盆屯共
銀地六畝八分四釐坐落悉與冊合夫以磽确薄
瘠之地曾錫鐵之不如而派坐金糧若無水力何
堪如此重賦乎獨怪當日王令碑中何不言及豈
湯子遺書卷七

陝西公牘

五

昔年原無金銀糧果因底冊之失故捏造報如該
縣所云耶但今坐落分明與冊無異糧旣不能爲
之請減烏可絕其灌溉幸爲地不多或如該縣所
請督令嚴立界限非金銀地者不許濫用分毫更
不許堵截使下流壅塞蓋此水涓涓細流若上用
者多則達於寺南者少仍候憲示立石嚴禁永爲
遵守則庶乎其可也前斷因地勢之自然而未查
及金銀糧數今日之議又從國課民生起見可否
飭行是在憲裁定奪施行

